

臺北市立和平高中 111 學年度閩南語朗讀比賽

01. 行家己的路

張逸嫻

咱人活佇這個世間，攞愛一步一跤印行到透尾，逐个坎站攞會拄著誠濟雙叉路，欲按怎選一條平安、順序的路來行，就愛有擔輸贏的氣魄佻堅定的意志。

人的一生活短仔，不時都會拄著代誌愛做決定，我認為上應該斟酌的是「毋通予家己後悔」。會記得國小的時陣，我得著參加臺灣話演說訓練的機會，若是表現甲誠好，就會當代表學校參加比賽。這是我暝日數想的目標，若放棄這擺的訓練，後擺想欲閣參加校外的演說比賽，就像阿婆仔生困，誠拚咧！

因為欲去讀私立國中，落尾我放棄矣。我知影愛了真濟時間佻精神，恐驚會舞甲雙頭無一 ngauh。到今，雖罔有考牢暝日數想的國中，毋過見若想著頂擺的選擇，我就真後悔。若是彼當時我有去接受挑戰，就準講成績無佻好，我嘛甘願。這擺閣有機會參加比賽，歹紡的是，阿爸阿母講：「莫變遐的有空無樺，佻你欲讀的科系攞無牽磕的斷頭。」毋過我嘛是佻夯硬篙，硬欲參加。總扯一句，我無想欲共這改的機會閣放揀去矣。

堅心無愛予家己反悔，無論結局是按怎，若有經歷過，

就一定會予難忘的回憶牢佇頭殼內！我另外一个主張就是「享受學習的快樂」。無論是出外行踏、讀冊研究，若有下心神去做代誌，收成定著是規曆間。

自細漢，我對動物、植物，甚至是人體的祕密攏真有興趣。較大漢了後，父母買真濟生物相關的冊予我，若有疑問就家己去冊內底揣解答。我不時共冊摺咧，對早起讀到中晝，愛等阿母喝欲食晝，才會共冊暫時囧咧。

最近我欲代表學校去參加生物競賽佻考試，這是我進前想都毋敢想的。同學攏來問我的生物是按怎樣讀的，敢袂感覺真辛苦？因為校外的比賽佻考試，攏毋是干焦考課本內底的物件爾爾。我共個講：「讀生物的時陣，我攏會足專心的，感覺遮的智識攏是大自然予咱的寶物。因為享受學習的快樂，我袂感覺忝。」

面對我的人生，快樂學習閣得著成就，予我會當行出一條家己佻意的、獨一無二的精彩路途。

1 張逸(Ia' t)嫻

臺北市立和平高中 111 學年度閩南語朗讀比賽

02. 曾文水庫的美麗和憂愁

許玉霞

曾文水庫佇嘉義縣大埔鄉和臺南市楠西區，是臺灣上大的水庫，當初起造的目的主要是欲提供嘉南平原灌溉用水、民生用水閣有發電等等的功能。一般對曾文水庫的印象就是伊的景緻嶄然仔嬌，有影嬌甲「頂港有名聲，下港有出名」。

曾文水庫風景區的嬌是規年迴天的。春天恬靜的空氣內底有溫柔歡喜的氣味，鼻空鼻著的是一陣一陣花的清芳；熱人規个山頭青青青，水庫的水冷冷冷，目睷看著的是五彩迷人的景緻，好親像故事冊內底的風景畫；秋天真秋清，耳空內聽著的攏是鳥隻活潑的歌聲，鴟鴞展翼佇天頂飛懸懸，敢若咧守護這個所在；寒人遮是一個和諧的世界，樹葉落塗，種子恬恬仔咧等待發穎，向望予咱全新的景緻。

曾文水庫四箍圍仔攏是山，陸上和水面兩種光景是平平嬌。日頭光照佇水面頂懸，反射出藍色的色水，天色配水色和天做伙，予咱的心情嘛變甲真曠闊。

大壩的建築粗閣勇，伊負責共六億噸的水攏擋佇伊的面頭前，下底閣有一座水力發電廠，提供咱清氣無污染的電。咱若坐船佇曾文水庫頂懸遊賞，有時微微仔風、有時

霎霎仔雨，有時燒烙的日頭光，攏有無仝的滋味。上心適的是閣會當遊湖飼山豬，這是市內人無法度享受的體驗。

是講因為極端氣候，雨水落了無齊勻，大水、塗石流和洶旱予曾文水庫對白天鵝變做鰲鴨仔，水庫予塗沙坵甲會當貯的水量就愈來愈少。上予人煩惱的是臺灣山崎、溪水掣流，閣因為咱人的生活習慣、農業用水佻工業需求，總體用水量大量增加，欠水煞成做定定發生的代誌。

咱的祖先教示咱「好天著存雨來糧」，咱平常時仔就愛愛水、惜水，嘛愛斂省用水，予有限的水有濟濟的用途。智慧用水，愛保護山坡地；疼惜、維護水庫；增加樹木栽種等等。向望曾文水庫永遠會當提供農業灌溉用水、民生用水和發電，嘛留予咱的囡孫一个青山永在、綠水長流，會當手牽手做伙遊賞的好所在。

臺北市立和平高中 111 學年度閩南語朗讀比賽

03. 上遠的路途

翁曉萍

阿心仔蹣佇桃園，逐工透早五點十分起床。伊共前一工款好的揸仔紮咧，就隨去趕頭幫客運欲去臺北上班。這段路途毋但愛坐客運，閣愛盤捷運、騎腳踏車，落尾行一塊仔路才會到公司，一逝路著愛點半鐘。朋友三不五時勸伊換一个較近的來做，共伊講：「你一工做八點鐘，來回坐車愛三點鐘，哪會和啦？」阿心仔講：「上遠的路途值得我上愛做的頭路啊！」

阿心仔佇臺北做警察，負責婦幼業務的專業單位，辦理受著性騷擾、性侵害的人。有一工下晡，社工陪一个國中查某學生來報案，查某囡仔看起來乖乖仔、恬靜恬靜。阿心仔共伊問發生啥物代誌，囡仔講伊自細漢就予老爸糟躡，三更半暝共烏白摸，阿媽蹣隔壁房間，毋知是耳空重抑是睏去矣，毋管伊按怎喝救人攏無人插。隔轉工共阿媽投，阿媽講：「你是毋是誤會矣？恁阿爸真疼你，自從伊佻恁老母離婚了後，干焦賸阿爸惜你爾爾。」閣共交代：「去學校千萬毋通烏白講，若無，會害著恁老爸。」

有記持以來就是三番兩次按呢，阿媽的交代伊有共記牢牢。毋過伊總是會大漢，囡仔嘛會變少女。等伊愈來愈

捌代誌，懷疑是按怎阿媽講的佢老師講的擺無啥仝，這個查某囡仔共心內的矛盾共同學講。代誌傳去到老師遐，老師發覺代誌大條矣，決定替伊報案。

案件講煞，日頭嘛已經落山，阿心仔緊急安排查某囡仔踎安置機構，因為伊的家庭無法度予查某囡仔正確的性別倫理佢身體觀念，致使囡仔一直得著錯誤的想法。好佳哉，平常時仔學校有咧教學生身體自主的概念，嘛因為按呢，長期予人欺負的查某囡仔有翻身的機會。阿心仔除了辦案，閣會定期去學校做婦幼智識的演講，嘛真綿爛，伊知影隨時攏有人可能猶覘佇烏暗的所在咧流目屎。

聽著遮的代誌，阿心仔的朋友誠心佩服伊。坐三點鐘的車毋是上遠的路，無法度對萬丈深坑深看著日頭光，才是上蓋烏暗、上遠的路途。透早五點十分，阿心仔揸仔紮咧，閣欲去盤車做工課矣。

臺北市立和平高中 111 學年度閩南語朗讀比賽

04. 膨糖的好滋味

陳雅菁

前一站仔，新冠肺炎①當咧大流行，逐家攞毋敢出門賴賴趁，踮厝內想空想縫、變東變西，佇網路頂看著韓國的「膨糖咖啡」當時行，我的記持繼予這幾字牽轉去三幾年前。

佇阮兜的門口埕，阿母提一支蠶稀、一个烘爐出來，準備欲起火，阮五个囡仔箍佇伊的身軀邊嚟嚟趁，彼是一个涼風輕輕仔吹來、秋清的下晡時。

阿爸講：「今仔日欲來教恁做膨糖。」小弟占著一个上倚阿爸的位，講伊欲做頭一个師仔。阮十蕊目調金金相，真好玄阿爸喙內講的「膨糖」生做按怎？阿爸先刮刮一寡白糖、淡薄仔紅糖入去蠶稀內底，才閣承一點仔水，囡佇烘爐頂懸沓沓仔拈。急性的阿兄講：「哪會遮久，是欲等到當時？」阿母擇一枝葵扇坐佇椅頭仔，那搢那講：「愛有耐心，才會當食著甜物物閣好看頭的膨糖。」火炭頂面的糖水開始發泡仔，代先發大泡仔的時，愛用箸一直拈，無會臭火焦。聽候淖泡，才閣用箸搵一屑仔「果子鹽」，共蠶稀徙離開烘爐，繼續用上緊的速度落去焗糖水。就佇咧阮喙攔強強欲津落來的時陣，蠶稀內底的糖水雄雄變做一塊

膨獅獅的糖餅。阮三个姊妹仔看甲那拍嘆仔那吱吱叫，感覺阿爸袂輸咧變魔術。

繼落來就是阮兄弟姊妹開始展功夫囉！阿姊搵傷濟果子鹽，伊的膨糖苦嗲嗲；小弟猶未焯好，糖水就予伊掙一半去矣。啊若我，講嘛奇怪，明明都有照阿爸的步數來，煞攏袂發。我的膨糖做無成，顛倒變做雞膏，真正是「看花容易繡花難」。膨糖這項四秀仔，對外埠頭的人來講，是誠生份的，毋過對我這個「胡蠅貪甜」的臺南囡仔來講，是囡仔時代上甜蜜的滋味。

頂禮拜恁恁囡仔行過安平の街仔路，一陣人圍佇廟口頭前嗤舞嗤吡，阮規家伙仔嘛倚過去睭睭燒，原來是有人咧做膨糖。查某囡看頭家手裡的糖水忽然間膨起來，目睷禡甲大大蕊，直直喝講伊嘛想欲做。看著伊充滿期待的眼神，就予我想著細漢時仔の彼五對目睷，嘛想起彼个甜蜜閣難忘の滋味。

① 新冠肺炎(sin-kuan-hi-iām)

臺北市立和平高中 111 學年度閩南語朗讀比賽

05. 半鹹泔的游泳池

許美莉

半鹹泔的游泳池？哪有可能！游泳池攏是消毒水味的較濟，都毋是料理，乜會有鹹泔？閣有彼號半鹹泔的，真正是臭彈免納稅！

是真的！我細漢躑金山豐漁村，以早這搭號做「水尾」，是因為這箍圍仔挂好是佇兩條溪水的上尾仔，閣無佹遠就咧欲流入海囉。一條是對遙遠的萬里流過來的員潭溪，另外一條是金山的金包里溪，兩條溪佇阮阿公的籤仔店後尾門彼搭做伙，透濫絞做一个深閣闊的溪水潭。佇咧欲流入海進前，出口才收束，親像一個酒漏仔欲共溪水灌入去大海全款。

這個溪水潭是金山辦五日節扒龍船比賽和慶祝中元放水燈做法會的所在，嘛是規庄頭船隻拋碇的所在。對我來講，遮親像是一窟大水缸，予我認捌足濟種水底的動物佹植物，閣會使享受釣魚仔的趣味。毋但按呢，阿公的籤仔店後若無船靠岸的時陣，遮隨變做阮兜上利便的游泳池。

阿母佇籤仔店後洗衫間佹灶跤來來去去，無閒規家口仔的大細項代誌。熱人的時，阮會姑情阿母恁阮去耍水，毋過有時代誌傷濟行袂開跤，伊就叫阮先佇洗衫間換游泳

衫，閣共水鏡掛予好，樹奶箍摺咧，對後尾門行落去七八坎，就會使耍水囉！阿母就親像一個救生員全款，待佇懸懸的坎仔頂，那無閒那看顧阮有乖乖仔咧耍水無？

有較大漢、較在膽的囡仔，會學跳水選手對碼頭遐走過來才閣衝落去水裡，看啥人跳落水上大聲、激上濟水起來。阮這幾個摺樹奶箍的，輸人毋輸陣嘛綴咧學，加一個樹奶箍有影誠大聲，毋過閣加人一味，食著水矣！水泒泒？明明海湧灌入來的水應該是鹹的才著，哪會袂鹹？有！水有時溘，有時洶流，鹹水、泒水來來去去就濫做半鹹泒囉！

佇遮釣會著食泒水的烏仔魚、吳郭魚，嘛釣會著食鹹水的花身仔、象魚和小管，阿爸閣捌佇倚溪口邊的塗窟掠著海鰻。這個半鹹泒的游泳池真有量，晟養食鹹、食泒的魚仔，嘛成做金山人和囡仔迢迢的好所在，真正是全世界上心適、上刺激恰上特別的游泳池啦！